

新疆圖志卷九十

藝文

遼金元三史無藝文志餘皆有之然但存其目焉耳近世郡邑志乘往往搜羅風雲月露之詞愈繁富而愈可厭烏乎是豈古人志藝文之意哉夫地志例載方域山川物產無所謂藝文也志藝文自太平寰宇記始謂夫與斯地斯民相維繫而推廣及之浮詞縟語奚取焉竊嘗讀四庫書目提要稱馬文煒安邱縣志僅列古人著述最為清省其末附詩文二十餘篇則不如仿范成大吳郡志散在各條之下旨哉言乎茲謹師其意錄成書不錄散文以免冗濫之譏至於叙本未審純駁欲閱者展卷而即明於馬氏文獻通考之例或亦有合也哉

使西域記一卷 魏釋惠生撰惠生於神龜元年奉太后命與敦

煌人宋雲向西域取經正光二年還闕其行程由鄯善且未押婁于闐朱駒波喝盤陀以度蔥嶺是書載

於洛陽伽藍記中意主誇張佛蹟其述諸國始末山川里數不

新疆圖志

藝文

及元奘記之詳然言皆親歷境非鑿空故與法顯佛國記為同談西域者所援据焉

西域圖記三卷 隋裴矩撰矩字宏太絳州聞喜人隋亡仕唐官

至太子詹事檢校侍中諡曰敬先是煬帝時矩為吏部侍郎奉

命至張掖護視西域諸國互市矩知帝勤遠畧乃詳訪諸胡國

俗山川險易撰為圖記還朝奏上之是書所載凡四十四國分

三道北道起伊吾即今之北路經蒲類海鐵勒突厥可汗庭今烏魯木齊境亂北

流河至拂菻拂菻東羅馬城名即今土耳其都城康思灘丁也瀛寰志略海國圖志以撒冷當之非是中道起高昌即漢之北道焉耆龜

茲疏勒踰葱嶺至波斯南道起鄯善即漢之南道于闐朱俱波渴盤陀

度葱嶺至北羅門皆竟西海即裏海非地中海也

西域圖志二十卷 唐許敬宗等撰敬宗字延族杭州新城人官

至特進諡曰繆事蹟具唐書姦臣傳高宗時西域平遣使往康

國吐火羅今布哈爾訪風俗物產繪圖以聞詔史官撰次敬宗領之顯

慶三年上

西征記

無卷數

唐韋宏機編撰

舊唐書作韋機此從新書

宏機京兆萬年人官至檢校

司農少卿初宏機於貞觀中為左千牛胄曹參軍充使往西突

厥册立同俄設為可汗會石國叛道梗三年不得歸裂裾錄所

經諸國風俗物產為此記比還太宗問外國事即上其書

大唐西域記十二卷

唐釋元奘譯辯機撰元奘姓陳氏緱氏人

貞觀中至天竺求佛書

其行程由高昌焉耆龜茲姑墨遼道凌山北出烏孫歷昭武九姓諸國然後南向罽賓徧遊五印度歸途逾葱嶺徑疏勒于闐事蹟具

唐書列傳是書多述佛典因果之事而舉其地以實之所叙諸

國多唐書所不載蓋史所錄者朝貢之邦此所記者經行之地

也雖侈陳靈異類近無稽然山川道里有互相證明者可為考

古之資焉

經行記一卷

唐杜環撰為杜佑族子仕履未詳嘗從高僊芝征

小勃律

即今之巴勒提在博洛爾回部

遂遊歷至西海乘商船由廣州還撰此為記

西域道里記三卷

唐程士章撰書目見唐書藝文志

西域名醫要方四卷

書目見唐書藝文志

新疆圖志

藝文

使于闐記一卷

晉張匡鄴撰天福三年于闐來貢匡鄴時為供

奉官高祖命與同官高居誨充使册立其王李聖天為大寶于

闐王往返七年錄所見山川為此記

西州使程記一卷

宋王延德撰同時有兩王延德宋史皆有傳

一為開封東明人曾上太宗事蹟著作甚富此王延德則大名

人歷官至青州刺史史稱其傾險好進其人品蓋無足觀是集

乃太平興國六年與殿前承旨白勳出使高昌所作中多耳剽

之談如言高昌盛暑鳥飛為日氣所爍墮而傷翼又謂北庭山

中夕有光焰如炬照見禽鼠皆赤采取礪砂者必著木底鞵若

皮底即焦類皆不足徵信

金臺集二卷

元郭囉洛納新

原作葛邏祿酒賢今遵四庫書目改正

撰納新出西北郭囉洛

在今塔爾巴哈臺

因以為氏元時色目人散居天下故納新處鄯縣以薦授

翰林編修是集為危素所編氣格軒翥無世俗猥瑣態蓋其生

平淡於仕進惟以遊覽唱酬為事宜意境之超遠也

河朔訪古記二卷 元郭囉洛納新撰納新嘗歷齊魯晉魏燕趙之墟弔古山川人物陳迹故事或得諸圖經地志或聞之故老舊家一皆考訂成書又以其感觸興懷發為詠歌者繼之凡十六卷其書久軼乾隆間修四庫全書於永樂大典中錄出百二十四條彙分二卷所紀僅真定河南境內其述山川古蹟多向來地志所未詳而金石遺文言之尤悉

西遊記二卷 元邱處機撰弟子李志常述處機自號長春子登州棲霞道士太祖征西域徵赴行在往返數年是書於西域山川程途古蹟多資考證其言楊何為北庭都護尤可補唐書方鎮表之闕云

西遊錄一卷 元耶律楚材撰楚材字晉卿遼東丹王托雲八世孫官至中書令追封廣甯王諡文正是書之作乃楚材從太祖西征駐守尋思干數年尋思干即邪迷思干元史誤分為二其地西遼故都為西征扼要故以重臣駐守及還人爭問異域事故撰此以代答楚材著有湛然居士集十四卷而是書不載

新疆圖志

藝文

三

集中蓋集外別行也

西使記一卷 元劉郁撰郁真定人是書王惲嘗載於玉堂雜記

中亦有別行本乃記常德字江卿西使皇弟旭列軍中旭列即錫喇一作錫里庫元史于憲宗二年書錫喇

征西域以是歲薨而三年書命錫里庫往征西域法噶巴等國誤一事為二事一人為二人往返道途所見聞雖不能考證古蹟而

亦時有異聞與郭侃傳所載畧同惟譯語或岐耳至種羊臍一條亦在唐書拂菻傳要非實有之事

西國圖經 元舒蘇撰舒蘇字得之泰定三年以遺逸見徵官至浙東廉訪司事追諡文孝其先世大食國人故知西域事實所作又有西域異文傳

河源記一卷 元潘昂霄撰昂霄字景樑號蒼崖濟南人官至翰林院侍讀學士諡文僖是書紀至元間世祖遣篤什原作都實西湖河源事篤什僅至星宿海而止不知有阿勒坦之黃水又不知有鹽澤之伏流自

欽定河源紀畧出是記竟以故紙置之可耳

使西域記一卷 明陳誠撰誠吉水人洪武甲戌進士是書亦名西域行程記乃誠於永樂間官吏部員外郎時副中使李達使西域述其山川人物風俗而作音譯既多譌舛如八達黑商即今之巴達克山而下花爾即今之布哈爾之類而所歷十七國皆今南疆治境藩部其見聞未廣大都傳述失真不足徵信

陳竹山文集四卷 明陳誠撰是集分內外二篇內篇二卷皆奉使西域時所述撰凡文十餘首詩一百三十餘首外篇二卷則當時投贈詩文並其先世諸狀也

興復哈密一卷 明馬文升撰文升字負圖鈞州人景泰二年進士官至吏部尚書諡端肅是書載於所著集中乃記宏治初土魯番襲執哈密王時文升長兵部持議用兵討平之事

平番始末一卷 明許進撰進字季升靈寶人成化丙戌進士官至兵部尚書諡襄毅宏治七年吐魯番阿黑麻攻陷哈密執忠順王陝巴去進奉命巡撫甘肅與都督劉甯襲破番衆諭降其

新疆圖志

藝文

四

城致仕後檢閱奏稿案牘輯爲此編所述用兵始末及西番情事頗詳嘉靖九年其子誥疏陳於朝詔付史館今明史土魯番哈密諸傳多本如此

西番事蹟一卷 明王瓊撰瓊字德華太原人成化二十年進士官至吏部尚書諡恭襄是書乃瓊總督三邊時出兵討土魯番所作歷叙漢先零宋岷洮諸羌叛服之事而以當時用兵始末附其論王安石遣王韶西征事許其能詰兵戎以強宋室而斥史臣以安石爲開邊生事之非蓋亦有見於明世邊備之不修而爲是言歟

哈密事蹟一卷 不著撰人名氏是書載正德中吐魯番侵擾哈密及經略彭澤與三邊總督王瓊構釁事語皆袒瓊復載通紀一條謂瓊激錢甯以傾澤其說自相矛盾史稱瓊澤皆有才相中傷不已迭爲進退而瓊尤險伎楊廷和視草餘錄亦痛詆之又附載經略張海奏議一篇及嘉靖間刑部議讞煽誘諳達原作達俺叛人奏牘蓋明人雜鈔之殘帙也

哈密行記一卷 明武振撰振山丹衛人官至總兵甘肅通志稱其有文武才謂此編於山川道里概可考見云

西域土地人物略一卷 不著撰人名氏載於秦邊紀畧之末蓋國朝康熙間人作也秦邊紀畧內載康熙中葉邊防事數則是書所言西域里道考諸驛程

皆在茫昧之間蓋其時西域猶阻聲教僅據傳聞不足以爲典要而傳寫脫誤正文小注攙雜失次幾難卒讀云

昆侖河源考一卷 國朝萬斯同撰斯同字季野浙江鄞縣人以布衣預修明史是書作於康熙初其時西域未隸版圖河源昆侖尙未得其實在作者穿穴古籍參稽異同郎灼知張騫所說之不誣而極論潘昂霄等之背馳騖亂雖覈以今日目驗未盡

昭合要可謂工於考證矣

西陲紀畧無卷數 不著撰人名氏所叙國朝西陲屯防事止於雍正

十二年則雍正間人作也是書於哈密巴里坤土魯番山川古蹟風俗物產記載頗詳而以羅卜腦兒爲蒲類海援據殊疏其

新疆圖志

藝文

五

火焰山一條乃沿王延德西州使程記之謬至謂貢噶爾國貢噶爾西

域聞見錄作控噶爾即元史之馬札爾近併入奧今泰西諸國尙稱奧爲噶爾仍其舊也詳見元史譯文證補鑄銅爲城大五百里則不根無稽

無足置辯矣

使準噶爾行程記一卷 國朝雍正間使臣撰不著名氏

欽定皇輿西域圖志五十二卷 乾隆二十一年大學士劉統勳等奉

敕撰首四卷爲

天章次圖考三卷次列表二卷表起秦漢迄元明以明國土之分合建置之沿革次晷度二卷次疆域十二卷次山四卷次水五卷次兵防一卷臺站附焉次屯政二卷戶口附焉次貢舉錢法學校各一卷次封爵二卷次風俗音樂各一卷音樂一門在地志爲剏體以其隸在協律備禁侏兜離之數故志之次服物二卷次土產一卷次藩服三卷次雜錄四卷

西域聞見錄八卷 國朝滿洲椿園氏撰自署如此朔方備乘謂七十一著乃誤以其年爲名說見元史譯文證補是書

作於乾隆二十四年本名新疆外藩紀畧亦名異域瑣談門目凡五曰新疆紀畧曰外藩列傳曰西陲紀事本末曰回疆風土記曰軍臺道里表惟所記回疆風土得諸目覩多資考證雖以羅卜淖爾爲星宿海蘇勒河爲疏勒國偶爾疏譌不爲詬病其屬藩列傳耳目較近紀載亦詳至述葱嶺以西各國則妄聽傳聞十譌七八如控噶爾之荒唐退木爾沙之謬妄愛烏罕譌爲敖罕波斯譌爲塞克謂鄂羅斯一姓相傳不知閱幾千年俄羅斯稱汗始於明時孝宗屢敗於控噶爾稽首稱臣之類烏有之事孟浪之談蓋糾不勝糾云

欽定西域同文志二十四卷 乾隆二十八年奉

勅撰首列國書以爲樞紐次以漢書詳註其名義次以三合切音典取其音聲次列蒙古字西番字托忒字排比連綴各註其譯語對音焉

欽定平定準噶爾方略前編五十四卷正編八十五卷續編三十

新疆圖志

藝文

六

三卷 乾隆三十七年大學士傅恒等奉

敕撰前編補叙雍正間西師始末正編備錄兩定伊犁開闢全疆事蹟續編則於列戍開屯設官定賦與討定烏什絕域諸蕃占風納賚之事咸具焉

欽定新疆戰圖十六幅 乾隆間平定準回各就血戰之地繪其攻堅斫銳斬將搃旗實蹟而以

御詩書之幀間

烏魯木齊雜記 國朝紀昀撰昀字曉嵐直隸獻縣人乾隆甲戌進士官至協辦大學士諡文達是書所載卽閱微草堂筆記之言蓋坊賈摘刊事關新疆者改題此名所言義主勸懲關係人心世道雖間涉神怪要非拾齊諧剩語者至其叙述雅馴在近世小說家尤不多覩云

烏魯木齊雜詩一卷 國朝紀昀撰昀生平貫徹儒籍本不以詩擅長是集七絕百六十首多詠新聞瑣事藉寓勸懲雖非超詛而和平溫

厚殊不失風人之遺焉

烏魯木齊賦一卷 國朝紀昀撰

欽定河源紀略三十六卷 乾隆四十七年兵部侍郎紀昀等奉

敕撰

是年春侍衛阿彌達窮河源繪圖具奏

是書首圖次表次日質實質實云者詳核水道

源流兼仿水經及酈注之例旁支正幹悉疏通證明之也次日證古凡舊說與履勘相符者條列原文詳加案語以互相參訂次日辨訛凡舊說之紕繆者亦條列原文各為糾駁以祛釋惑疑次日紀事凡撻伐所經部族所聚職貢所通屯戍所在有與靈源相值者一一臚載其前代軼聞亦以類附見次日雜錄凡名山古蹟物產土風介在洪流左右者皆博采遺文以資稽核而恭錄

御製河源詩一首讀宋史河渠志一篇弁冕全書用以挈綱領定權衡焉

西陲樵唱一卷 國朝王芑孫撰芑孫字念豐號惕甫亦號鐵夫

新疆圖志

藝文

七

江蘇長洲人乾隆戊申召試舉人官國子監典簿是集七編六載十首淵雅堂集中亦有單行本皆詠西域風俗古蹟極有典據

回疆雜記一卷 國朝王曾翼撰曾翼吳江人曾從某師赴喀什噶爾於經過各回城所見所聞拉雜記之然回疆風土十得七八云

西征錄六卷 國朝王元樞撰元樞安徽懷甯縣舉人嘉慶初以事謫戍伊犁是書考證西域地理事蹟繁而失要洪亮吉謂其間有可采惟因此及彼尋流失源非善學酈道元者蓋篤論也塞外錄一卷 國朝洪亮吉撰亮吉字君直一字稚存江蘇陽湖人乾隆庚戌進士第二人及第授編修嘉慶元年充咸安宮總裁以違例言事謫戍伊犁是書載在曉讀書齋三錄中其疏勒辨一篇考据最為精覈而謂柳中縣在哈密城西十里則偶誤也

天山客話一卷 國朝洪亮吉撰是書用雜記體叙述塞上風景

並在戍情事與晁說之客話每條必記所語之人者不同其言
綏定河出墨花魚則墨花乃磨河之音訛磨河即烏里雅蘇圖水磨河所產故
名磨河魚也

伊犁日記一卷 國朝洪亮吉撰是書紀自京師抵伊犁沿途道
里及應酬瑣事載在北江集中坊間單行本題為萬里荷戈集
殊誤萬里荷戈集乃其詩集名也

萬里荷戈集詩一卷百日賜環集詩一卷 國朝洪亮吉撰亮吉
詩胎息深厚在大謝工部之間萬里荷戈集共古今體九十六
首由京抵戍所作未附同人題集詩其百日賜環集紀恩紀事
計自伊犁至嘉峪關得詩三十餘首餘則入關後途中所作考
其年譜謂歸里後補作伊犁紀事九十七首指此二集言也

新疆要畧四卷 國朝祁韻士撰韻士字鶴臯壽陽人官翰林編
修是書乃遣戍伊犁時作詞簡而事賅卷一紀疆域山水卡倫
軍臺卷二紀城堡職官卷三紀伊犁兵制屯牧卷四紀種人源

新疆圖志

藝文

流風俗而以霍罕路程終焉

西域釋地二卷 國朝祁韻士撰是書上篇紀疆域下篇紀山川

敘述頗為雅潔然於康熙征準噶爾不及烏闐布通之捷二十九年捷於蘭烏
布通三十六年捷於昭莫多於塔爾巴哈臺庫爾喀喇烏蘇不著往代為何國古城

不知在唐為何縣唐為金滿縣於葉爾羌知其北魏為渠莎國不
知在元為雅爾看見元史為押兒牽見元史為篋兒克即雅爾看之對音見元秘史喀什

伽師之轉音也而誤以為創始舊譯以喀什噶爾為各色磚房詢之纏回謂是頑民難化之意則舊譯固不足信阿克蘇元

史之舊稱也而誤以為今名言崑崙則以史遷烏睹崑崙之說

了之按禹本紀烏路崑崙一語蓋史遷因當時君臣好談神仙故於此文隱寓明瑤池怪物之必無非謂無崑崙也班固作張騫傳不察寓意刪節原文一若史記專辨崑崙者後儒沿誤遂令史遷受誣言瀚海

則以安西州土魯番界中沙磧當之亦不免疏舛矣

萬里行程記一卷 國朝祁韻士撰是書乃其謫戍時由京至伊
犁沿途紀程之作其中有不可據者如永壽縣監軍鎮乃河南
監軍道任棟故里此記謂沿唐時宦官監軍舊名玉門縣赤金
峽當以古金山得名元和郡縣志載金山在玉門東六十里可

證此記謂赤金乃赤斤之訛均非也林則徐荷戈紀程曾辨之至其謂達坂城西南火光燭天乃煮鹽者爲之尤誤鹽海水滷撈其汁卽成鹽無庸熬煎也南方火光乃山煤自焚至今尙然西陲要略三卷 國朝范正傳撰

西陲今略 國朝梁玠撰

新疆紀畧 國朝人撰不著名氏

三州輯畧九卷 國朝和瑛撰和瑛字太菴廂黃旗人嘉慶間官烏魯木齊都統三州者烏魯木齊古庭州土魯番古西州哈密古伊州也是書以柳陳爲今庫車尙屬小疵其流寓彙錄謫宦殊非體例昔顧元鏡九華山志以杜荀鶴宋齊邱列諸流寓識者譏之况漫無擇別乎其藝文採錄尤雜亦乖斷限之義而多收已作尤涉自銜云

伊犁總統事宜 國朝松筠撰松筠字湘浦蒙古正藍旗人官至武英殿大學士諡文清是書於嘉慶間進呈

新疆圖志

藝文

九

御賜序文付武英殿施行

欽定新疆識略十三卷 嘉慶二十四年原任大學士松筠等奉敕撰道光元年奏進首卷恭錄 天章卷一總裁疆域道里水道卷二至卷三分載南北兩路事宜卷四至卷十二專載伊犁事宜緣伊犁爲將軍帥庭未設行省以前統轄新疆全境職任較繁故記載獨備

回疆事宜 國朝和瑛撰所紀皆新疆南路各參贊辦事大臣職任事宜

回疆志 國朝蘇爾德撰

西域水道記八卷 國朝徐松撰是書於諸水源流分合考證詳覈近世言西域者罕與比倫然克里雅科

唐辨機西域志謂之媿摩川

北流入於沙

磧而此記乃謂注葱嶺大河入羅布淖爾那林河西北流入於鹹海而此記僅云流徼外是於二河未悉其委元之昂可喇河卽今昂噶喇河土俗相沿古名尙在謙河

即唐之劍河岑參詩劍河風急雲片闊沙口石凍馬蹄脫卽此河也說詳方輿紀略

則當為伊聶謝河一統志所載甚明此記以謙為昂噶喇而以昂可喇為伊聶謝遂使二水互易其名考之地形按之古籍無一相合至玉須阿浦二水元史所載即指伊聶謝上源而言自此記指厄爾庫伊里穆魏源海國圖志又以為非皆求之昂噶喇所受之水南轅北轍辨愈繁而愈失矣水經之龜茲西川即今木雜喇特河龜茲東川即今和色爾河下游合流為渭干河與酈注所云合為一水經龜茲城南而東南入於大河之文相符合此記指庫車城東發源扣克訥克嶺下之水不與西川會不入河者以當龜茲東川顯與酈說相背達蘭嶺在珠勒都斯河北此記誤載在河南昌馬河出苦峪東南山中東北流與蘇勒河會此記誤謂馬昌在蘇勒之東漢時匈奴焉支山在刪丹今甘肅山丹縣此記誤謂即焉耆府城東北之博羅圖山而以焉支為焉耆之通假謂塞勒庫勒西八日程為乾竺特則道里誤水道記自塞勒庫勒西五日程曰黑斯圖濟又西南三日程曰乾竺特歲貢沙金一兩五錢今按塞勒庫勒西五日程為今瓦罕地水道記以為乾竺特誤謂苦峪城為明成

新疆圖志

藝文

十

化中築則年月誤

正統六年築

元史耶律希亮傳之葉密里即額密爾

地以河得名憲宗本紀作葉密立一地也是記謂額敏河音轉

為額密河是矣

見額敏河條今西圖作亦額密河

而以葉密里為即阿力麻里則非見和爾郭

斯河皆百密之一疏也

新疆賦一卷

國朝徐松撰

分南北路二篇

荷戈詩草一卷

國朝李鑾宣撰鑾宣字石農靜樂人官至廣東

提刑使是集乃謫戍迪化時作載堅白石集中陽湖惲敬序其詩稱為清而不浮堅而不劇反覆以發其腹揉摩以去其滓尚非同時標榜之詞

伊江別錄

國朝吳熊光撰熊光號槐江官至兩廣總督是書乃

謫戍伊犁時作紀所見聞滿漢名人言行足以維繫國脈民命者蓋以成於伊犁而名非盡事關伊犁也

天山賦一卷

國朝歐陽鎰撰

漢西域圖考八卷

國朝李光廷撰光廷字恢垣番禺人道光間

官吏部員外郎是書首圖說次天山以南諸國考次天山以北諸國考次新疆軍臺道里表次葱嶺諸國考次葱嶺以西諸國考前節錄法顯佛國記辯機西域記劉郁西使記於末蓋自漢敦煌關外西北二萬餘里至大秦西南萬餘里至安息皆竟於海其間國土以百數若指諸掌雖偶有疵謬如以哈喇魯今西圖之柯耳魯部為哈喇火州見回訖謂阿力麻里非阿里馬阿力麻里即阿里馬在今伊犁清河水河故經世大典落之名也在今伊犁西境外

言阿力麻里在庫車北也阿里馬下奪里字猶之別失八里西遊錄作別石把西遊記作籠思馬耳耳圖考誤於元世祖紀皇子北平王建幕於和林野里麻里地一語遂謂阿力麻里在今烏里雅蘇台謂侯君集伐

高昌先至柳谷即狐胡國之柳谷且以柳中當之侯君集所至柳谷乃哈密之柳樹泉非吐魯番之柳

中也狐胡亦不在於柳中漢書載其去長安道里遠於車師是其明證 皆未免望文生義甘露川今巴爾庫勒也而

誤作甘露州元和志伊吾軍在伊州西北三百里折羅漫山北甘露川今本唐書地志川字誤作州又於甘字上空一格圖考遂謂開元中置甘露州在木壘城東北 鬼力赤韃

靺酋也見韃而誤為巴里坤汗莽噶里克吐魯番伯克乾隆二十年投誠後旋叛為提督

莽蘇爾吐魯番會同疆平卓額敏和魯克沁纏回頭目雍正間內附乾隆二三人也而誤

合為一尤為疏譌援引博洽亦西域地志之善本也

欽定平定回疆方略 道光十年奉

新疆圖志

藝文

十一

救撰備紀征勦逆裔張格爾始末

欽定平定回匪方略三百二十卷 光緒十四年奉

救撰自咸豐末關隴變起至光緒初戡定新疆中間

廟堂籌畫將帥勤勞邊庭設省之模強鄰界畫之議隨事纂錄

鉅細無遺

天山南北路考略一卷 國朝龔柴撰柴甯波人是書因仍舊說

殊剏罕觀

重定回疆見聞小錄 國朝喬重禧撰重禧字鷺洲上海人是書

紀道光初討平張格爾始末乃詳綜邸報而成有次序文載陔

南池館集中

東歸日記一卷 國朝方士淦撰士淦定遠人道光間征張格爾

之役從甘督楊遇春出關是書乃其東歸時紀沿途山川風物

而作起伊犁訖西安省城

荷戈紀程一卷 國朝林則徐撰則徐字少穆侯官人歷官湖廣

兩廣總督是書乃道光二十四年謫戍伊犁時沿途日記起西
安訖戍所其辨祁韻士行程記中監軍鎮赤金峽二條說具於
前

西域考古錄 國朝俞浩撰浩海甯人是書改古說以就已最爲

駁雜

新疆紀事詩塞上竹枝詞一卷

新疆紀事詩七律十六首
塞上竹枝詞七絕三十首

國朝曹麟閣撰麟

閣安徽貴池人官湖北黃梅知縣是集描摹風土多據見聞較

劉雲峯梧江竹枝詞因仍地志舊文無所考辨者相去遠矣

莎車行記一卷 國朝倭仁撰倭仁字良峯蒙古人官至協辦大

學士諡文端是書乃咸豐壬子赴葉爾羌幫辦大臣任途中所

作大旨以地理爲經人事爲緯每經一地必舉前賢懿行以勵

風俗於輿地沿革亦多考證而殷述民瘼尤藹然仁者之言其

生平學術篤守程朱在葉爾羌又著日記一卷語語切於日用

尤非空談性命者比也

新疆圖志

藝文

十二

訊鮮錄

無卷數

國朝人撰不著名氏是書作於新疆初設行省時前

列備考一篇次紀郡縣山水地名後紀內盟外裔末附邊外諸

部道里凡三道道分於色勒庫爾而程起於葉爾羌

西陲論略 卷 國朝李雲麟撰雲麟字雨蒼漢軍旗人同治末

以塔城參贊大臣幫辦新疆軍務是書宗旨謂新疆設省窒礙

難行宜以烏魯木齊爲重鎮伊犁爲換防處所南疆回部分封

衆建語多譏時於因時制宜之道無當也

瀚海集 國朝人撰

喀什噶爾志一卷 國朝光緒初英吉利人倍羅撰

勘定西域篇一卷 國朝王定安撰定安字鼎丞東湖人曾護山

西藩篆著有湘軍記是篇卽記中二十卷之一也所紀同治間

新疆回變及光緒初勘定始末於各官殉難情事未盡覈實何

瑄等力守巴里坤兩次收復哈密無一語及之疏漏

南疆勘界日記圖說

無卷數

國朝沙克都林扎布撰沙克都林扎布

字振亭滿洲人光緒八年俄羅斯交還伊犁時沙克都林扎布以巴里坤領隊大臣奉

命勘分南疆邊界乃就每日行程辦事叙述崖略並及道途之險易山川之要害游牧之盛衰譯音之異同而又按程繪圖以相互證其書未經鋟版雖不能發抒議論考證古蹟而紀載尙爲明析惟分界至烏孜別里並不親歷會勘僅遣兵役堆石爲記致遂俄人侵佔之謀則其書存而不論可矣

帕米爾圖說一卷 國朝許景澄撰景澄字竹簣浙江嘉興人由翰林官至吏部侍郎是書乃充駐俄出使大臣時會萃西圖而成所標新名大率据用英書並譯登英俄人游帕記三種附後其於全帕地理審析精詳可爲界務之助焉

新疆道里表一卷 光緒庚寅湖南省城刊本新疆舊有軍臺營塘驛站之分設省後一律改爲驛站此表按現在成案載列而以驛站圖冠首凡四履所至山川險易隨在取閱便可得其大

新疆圖志

藝文

十三

概焉

天方典禮擇要解二十卷 國朝劉智撰智字介濂江甯人回回裔也是書首爲原教真宰識認諦言四卷次爲五功四卷五功者念真禮真齋戒捐課朝覲也次爲禮祀一卷次爲五典四卷言五倫之事次爲民常四卷次爲娶禮婚禮喪禮而附以歸正儀詳爲解釋以自尊其教回教本僻謬而智頗習儒書乃雜援經義以伸其說然根柢先非巧爲文飾無益也有難智者曰回教是天當體好生戒殺爲心何獨不食犬豕智不能援上帝以解之乃引士無故不殺犬豕爲說亦見其詞之遁矣